

## **SIARAN MEDIA**

### **KENYATAAN PENAFIAN OLEH SURUHANJAYA KOPERASI MALAYSIA KE ATAS SIARAN KENYATAAN KOPERASI AMANAH PELABURAN MALAYSIA BERHAD**

Dengan ini dimaklumkan bahawa terdapat kenyataan siaran akhbar dan media sosial yang berkaitan dengan cadangan **Koperasi Amanah Pelaburan Malaysia Berhad (KAPB)** untuk pelaburan dalam hartanah di The Exchange 106 TRX, membiayai projek pembinaan universiti perubatan dan hospital baharu di atas tanah seluas 141 ekar di Serdang, Selangor melalui penerbitan syer KAPB sebanyak RM 2 bilion. Maklumat berkenaan pelaburan tersebut telah disiarkan dalam laman web rasmi KAPB dan siaran media melalui Harian Metro bertarikh 10 Mei 2021 seperti yang berikut:



## KAPB tawar saham baharu RM2 bilion



Koperasi Amanah Pelaburan Bhd (KAPB) bercadang membeli 51 peratus pegangan ekuiti pemilikan The Exchange 106

KUALA LUMPUR: Koperasi Amanah Pelaburan Bhd (KAPB) menawarkan RM2 bilion saham baharu untuk dilanggan oleh anggota sedia ada dan juga anggota baharu, yang terbuka untuk semua warganegara Malaysia.

Pengerusi Eksekutifnya, Datuk Ilyas Mohamed, berkata setiap anggota akan menikmati pulangan sekurang-kurangnya lapan peratus setahun berdasarkan risiko terlaras ke atas petunjuk pelaburan dan kajian impak menurut rekod pulangan pelaburan KAPB yang tinggi selama ini.

Beliau berkata, sebahagian dana terkumpul itu akan digunakan untuk membiayai pembelian 51 peratus pegangan ekuiti pemilikan The Exchange 106, manakala sebahagian lagi untuk membiayai projek pembinaan universiti perubatan dan hospital baharu di atas tanah seluas 141 ekar di Serdang, Selangor.

Katanya, mereka yang berhasrat ingin menjadi sebahagian daripada bangunan tertinggi di Asia Tenggara, iaitu The Exchange 106, TRX dengan anggaran nilai pasaran semasa mencecah RM7 bilion dan sebuah hospital berkapasiti 400 katil serta universiti perubatan yang bertunjangkan teknologi canggih dan terkini daripada Amerika Syarikat (AS), boleh membuat permohonan dengan melayari laman sesawang atau hadir ke cawangan CIMB yang berdekatan di seluruh negara.

Oleh itu Suruhanjaya Koperasi Malaysia (Suruhanjaya) menafikan bahawa Suruhanjaya pernah memberikan apa-apa jaminan atau pengesahan kepada pelaburan yang dibuat oleh orang ramai dalam KAPB (atau mana-mana Koperasi). Sehubungan dengan itu, orang ramai dinasihatkan untuk meneliti dan membuat penilaian sewajarnya sebelum melabur dan pelaburan yang dibuat adalah atas risiko sendiri.

Jika terdapat sebarang kemusykilan, orang ramai bolehlah menghubungi talian hotline Suruhanjaya seperti yang berikut: 019-2445339.

**Unit Hal Ehwal Antarabangsa dan Komunikasi Korporat**  
**Suruhanjaya Koperasi Malaysia**  
**September 2021**